

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

**“Коми Республикаса ВеськӖдлан котырлысь уджаланарт вынсьӧдӧм
йылысь” Коми Республикаса ВеськӖдлан котырлӖн 2014 во
ӧшым тӧлысь 18 лунся 527 №-а шуӧмӧ вежсьӧмъяс пыртӧм йылысь**

Коми Республикаса ВеськӖдлан котыр шуис:

1. Пыртны “Коми Республикаса ВеськӖдлан котырлысь уджаланарт
вынсьӧдӧм йылысь” Коми Республикаса ВеськӖдлан котырлӖн 2014 во
ӧшым тӧлысь 18 лунся 527 №-а шуӧмӧ татшӧм вежсьӧмъяс:

Коми Республикаса ВеськӖдлан котырлӖн уджаланартын, мый
вынсьӧдӧма шуӧмӧн (1 №-а содтӧд):

1) содтыны татшӧм сюрӧса 6¹ пункт:

“6¹. Коми Республикаса ВеськӖдлан котырлӖн уджын бӧртасъяс
йылысь быдвоя отчӑтсӧ дасътӧны да сійӧс сетӧны Коми Республикаса
Каналан Сӧветӧ тайӧ Уджаланарт дорӧ 3 содтӧд серти Коми Республикаса
ВеськӖдлан котырлӖн уджын бӧртасъяс йылысь быдвоя отчӑт дасътан да
Коми Республикаса Каналан Сӧветӧ сетан пӧрадок, кадколастьяс серти.”;

2) содтыны тайӧ шуӧм дорӧ содтӧд серти 3 содтӧд.

2. Тайӧ шуӧмыс вынсялӧ сійӧс официальнойӧ йӧзӧдан лунсянь.

Коми Республикаса ВеськӖдлан котырӧн
Юрнуӧдысьӧс Медводдза вежысь

Э. Ахмеева

Сыктывкар

2024 вося сора тӧлысь 1 лун

269 №

Коми Республикаса Веськӧдлан котырлӧн
2024 во сора тӧлысь 1 лунся 269 №-а шуӧм дорӧ
СОДТӐД

“Коми Республикаса Веськӧдлан котырлӧн
уджаланарт дорӧ
3 СОДТӐД

Коми Республикаса Веськӧдлан котырлӧн уджын бӧртасъяс йылысь
быдвояс отчӧт дасътан да Коми Республикаса Каналан Сӧветӧ сетан
ПӐРАДОК,
кадколастъяс

1. Тайӧ Пӧрадокыс индӧ Коми Республикаса Веськӧдлан котырлӧн
уджын бӧртасъяс йылысь быдвояс отчӧт (водзӧ – Отчӧт) дасътан да Коми
Республикаса Каналан Сӧветӧ сетан пӧрадок, кадколастъяс.

2. Отчӧт дасътӧм вылӧ уполномочитӧм Коми Республикаса олӧмӧ
пӧртысь власът органӧн лоӧ Коми Республикаса экономика сӧвмӧдан,
промышленносът да транспорт министерство (водзӧ – Министерство).

Отчӧт дасътӧм вылӧ колана юӧр да материалъяс дасътӧмын
участвуйтӧны урчитӧм компетенция серти Коми Республикаса мукӧд
олӧмӧ пӧртысь власът орган.

Отчӧт дасътӧм серти уджсӧ координируйтӧ Коми Республикаса
Веськӧдлан котырӧн Юрнуӧдысь (Коми Республикаса Веськӧдлан котырӧн
Юрнуӧдысьӧс вежысь, кодӧ Коми Республикаса Юралысьлӧн помшуйӧм
серти пӧртӧ олӧмӧ Коми Республикаса Веськӧдлан котырӧн
Юрнуӧдысьлысь уджмогъяссӧ) (водзӧ – Веськӧдлан котырӧн Юрнуӧдысь),
Коми Республикаса Веськӧдлан котырӧн Юрнуӧдысьӧс вежысьяс, кодъяс
веськыда координируйтӧны Коми Республикаса олӧмӧ пӧртысь власът
органъяслысь уджсӧ да контролируйтӧны налысь уджсӧ урчитӧм
кывкутана могъяс юклӧм серти.

3. Отчӧтӧ пыртӧны:

1) отчӧтнӧй воысь Коми Республикаӧс социальнӧя да экономика
боксянь сӧвмӧдан бӧртасъяс, сы лыдын:

шедӧдӧм индикативнӧй петкӧдласъяс;

примитӧм веськӧдлан помшуйӧмъяскӧд йитӧдын да помкаяссӧ
подулалӧмӧн социальнӧя да экономика боксянь сӧвмӧдӧмын тенденцияс
гӧгӧрвоӧдӧм (лӧк динамика дырйи);

шедӧдӧмторъяс, решитӧм могъяс йылысь тӧдмӧгъяс лӧсялана
юкӧнын примитӧм канму политика мераяссӧ индӧмӧн;

2) ӧнӧя во да планӧвӧй период вылӧ Коми Республикаӧс социальнӧя
да экономика боксянь сӧвмӧдӧмын могъяс да позянлунъяс виччысяна
бӧртасъяссӧ индӧмӧн, найӧс шедӧдӧм могысь медшӧр мероприятияяс,
решитӧм мытшӧдъяс да ӧнӧя воын найӧс решитанногъяс;

3) Коми Республикаын Россия Федерацияса Президентлөн Россия Федерацияса Федеральнӧй Собраниеылы быдвоя посланиеясӧн урчитӧм могъяс решитан бӧртасъяс йылысь юӧр;

4) культура, дзоньвидзалун видзан, велӧдан, социальнӧя могмӧдан юкӧнын организациясӧн, кодъяс меститчӧны Коми Республика мутасын да кодъясӧс учредитысӧн лоӧ Коми Республика либӧ Коми Республикаын муниципальной юкӧнъяс, услугае сетан условияслысь ногтуйсӧ асшодйӧн донъялан бӧртасъяс да индӧм организацияслысь уджсӧ бурмӧдӧм серти примитан мераяс йылысь юӧр (водзӧ – асшодйӧн донъялан бӧртасъяс йылысь юӧр).

4. Отчӧтлӧн материалъясӧ пыртӧны:

1) Коми Республикаса Вескӧдлан котырлӧн отчӧтнӧй воысь уджын бӧртасъяс да шӧркодь период вылӧ планъяс йылысь Вескӧдлан котырӧн Юрнуӧдыссянь доклад (водзӧ – доклад);

2) презентация материалъяс;

3) разӧдан материалъяс;

4) Вескӧдлан котырӧн Юрнуӧдыслӧн тшӧктӧм серти мукӧд материал.

5. Вескӧдлан котырӧн Юрнуӧдысь быд во сетӧ Отчӧтсӧ Коми Республикаса Каналан Сӧветлӧн заседание дырйи (водзӧ – Каналан Сӧвет) докладӧн да сӧтчӧ пыртӧны презентация да разӧдан материалъяс, а сӧдзжӧ доклад дорӧ Каналан Сӧветлӧн юалӧмъяс вылӧ вочакывъяс (водзӧ – доклад дорӧ юалӧмъяс).

Вескӧдлан котырӧн Юрнуӧдысь юӧртӧ Министерстволы Каналан Сӧветлӧн заседание дырйи Отчӧт сетан кадпас йылысь.

6. Коми Республикаса олӧмӧ пӧртысь власьт органъяс быд во йирым тӧлысь 15 лунысь оз сӧрджык сетӧны Министерствоӧ йӧзлысь лыддьӧг, кодъяс кывкутӧны Отчӧтлӧн материалъяс дасьтӧмысь, налӧн йитчан мыччӧдъясӧн (телефон, электроннӧй пошта инпас).

7. Министерство быд во вӧльгым тӧлысь 20 лунысь оз сӧрджык ыстӧ Коми Республикаса олӧмӧ пӧртысь власьт органъясӧ:

докладлысь концепция баласӧ (водзвыв тӧчассӧ) сюрӧс серти вӧзйӧмъясӧн;

презентация дорӧ корӧмъяссӧ;

разӧдан материалъяслӧн сюрӧслысь водзвыв тӧчассӧ вӧзйӧмъясӧн;

Отчӧт дасьтӧм вылӧ колана материалъяс дорӧ мукӧд корӧм.

8. Коми Республикаса олӧмӧ пӧртысь власьт органъяс быд во тӧвшӧр тӧлысь 20 лунысь оз сӧрджык сетӧны Министерствоӧ Отчӧтлысь материалъяс тайӧ Пӧрадоклӧн 3, 4 да 7 пунктъяс серти.

9. Коми Республикаса Юралыслӧн Администрация быд во урасьӧм тӧлысь 15 лунысь оз сӧрджык сетӧ Министерствоӧ асшодйӧн донъялан бӧртасъяс йылысь юӧр.

10. Министерство Коми Республикаса олӧмӧ пӧртысь власьт органъясӧн Отчӧтлысь материалъяс сетан лунсянь 5 уджалан лун чӧжӧн, асшодйӧн донъялан бӧртасъяс йылысь юӧр кындзи, кутшӧмӧс сетӧма тайӧ

Пöрадоклöн 9 пункт сerti, но тöвшöр тöлысь 31 лунысь оз сёрджык видлалö, лöсялöны-ö найö тайö Пöрадоклöн 3, 4, 7 пунктъясын индöм корöмъяслы.

Асшодйöн донъялан бöртасъяс йылысь юöрсö, кутшöмöс сетöма тайö Пöрадоклöн 9 пункт сerti, Министерство видлалö Министерствоö индöм юöрсö сетан лунсянь 5 уджалан лун чöжөн.

Сэк, кор Коми Республикаса олöмö пöртысь власът органъясöн сетöм Отчётлöн материалъясыс оз лöсявны тайö Пöрадоклöн 3, 4, 7 пунктъясын индöм корöмъяслы, Министерство Министерствоö найöс сетан лунсянь 3 уджалан лун чöжөн бöр бергöдö сетöм Отчётлысь материалъяссö Коми Республикаса олöмö пöртысь власът органö, кодi торкалис урчитöм корöмъяссö, татшöм корöмъяссö да Отчётлысь бурмöдöм материалъяс Министерствоö сетан кадколастсö индöмөн.

Коми Республикаса олöмö пöртысь власът органъяс бурмöдöны отчётлысь материалъяссö да ыстöны найöс Министерствоö Министерствоөн урчитöм кадколастъяс сerti.

11. Министерство быд во рака тöлысь 1 лунысь оз сёрджык ыстö Отчёт баласö Вescкöдлан котырөн Юрнуöдысьлы сöгласуйтöм вылö.

12. Сэк, кор Вescкöдлан котырөн Юрнуöдысьлөн эмöсь Отчёт бала сerti вöзйöмъяс да (либö) пасйöгъяс, Вescкöдлан котырөн Юрнуöдысь бöр бергöдö баласö Министерствоö сйöс бурмöдан да Вescкöдлан котырөн Юрнуöдысьлы сöгласуйтöм вылö выль пöв сетан кадколастсö индöмөн.

13. Вescкöдлан котырөн Юрнуöдысьянь Отчёт бала сerti пасйöгъяс да (либö) вöзйöмъяс воан лунö Министерство ыстö Отчётлысь материалъяс бурмöдöм сerti индöм вöзйöмъяссö (пасйöгъяссö) Коми Республикаса лöсялана олöмö пöртысь власът органъясö найöс бурмöдан кадколастсö индöмөн.

Коми Республикаса олöмö пöртысь власът органъяс бурмöдöны Отчётлысь материалъяссö да ыстöны найöс Министерствоö Министерствоөн урчитöм кадколастъяс сerti.

14. Министерство тайö Пöрадоклöн 12 пункт сerti урчитöм кадколастö бурмöдö Отчётлысь баласö Коми Республикаса олöмö пöртысь власът органъяссянь воöм Отчётлысь бурмöдöм материалъяссö тöд вылö босьтöмөн да сетö сйöс Вescкöдлан котырөн Юрнуöдысьлы выль пöв сöгласуйтöм вылö.

15. Вescкöдлан котырөн Юрнуöдысь ыстö доклад дорö юалöмъяссö Министерствоö да Коми Республикаса олöмö пöртысь власът органъясö, кодъяслөн компетенцияö пырöны доклад дорö юалöмъясыс, на вылö вочакыв балаяс дасътан кадколастъяссö индöмөн.

16. Тайö Пöрадоклöн 15 пунктын индöм Коми Республикаса олöмö пöртысь власът органъяс кадколастö, кутшöмöс урчитöма Вescкöдлан котырөн Юрнуöдысь, сетöны Министерствоö доклад дорö юалöмъяс вылö вочакыв балаяс, кутшöмъясöс сöгласуйтöма Вescкöдлан котырөн Юрнуöдысьöс вежысьяскöд, кодъяс координируйтöны Коми Республикаса

лӧсялана олӧмӧ пӧртысь власьт органлысь уджсӧ кывкутана могъяс юклӧм серти.

Министерство Коми Республикаса олӧмӧ пӧртысь власьт органъясянь доклад дорӧ юалӧмъяс вылӧ вочакыв балаяс воан лунсянь 7 уджалан лун чӧжӧн ӧтувтӧ найӧс да сетӧ доклад дорӧ юалӧмъяслысь ӧтувтӧм лыддьӧгсӧ да на вылӧ вочакывъяссӧ Веськӧдлан котырӧн Юрнуӧдысьлы сӧгласуйтӧм вылӧ.

17. Сэк, кор Веськӧдлан котырӧн Юрнуӧдысьлӧн эмӧсь доклад дорӧ юалӧмъяс вылӧ вочакыв балаяс серти вӧзйӧмъяс да пасйӧгъяс, доклад дорӧ юалӧмъяс вылӧ вочакыв балаяссӧ бурмӧдӧны тайӧ Пӧрадоклӧн 12 – 14 пунктъясын индӧм пӧрадокын да кадколастьясӧ.

18. Веськӧдлан котырӧн Юрнуӧдысьлӧн помшуӧм серти Министерство котыртӧ Отчёт бала водзвыв кывзӧм (репетиция) Коми Республикаса олӧмӧ пӧртысь власьт органъясса юрнуӧдысьяслӧн (юрнуӧдысьӧс вежысьяслӧн) участвуйтӧмӧн Веськӧдлан котырӧн Юрнуӧдысьӧн урчитӧм пӧрадокын да кадколастьясӧ.”.